



Handwritten marks, possibly initials or a signature, located in the upper left corner of the page.

Handwritten marks, possibly initials or a signature, located in the lower left corner of the page.



AD MEMORIAM
 ILLVSTRISSIMI MVLTIQVE MAIORVM
 IMAGINIBVS PRAEVLGENTIS
 COMITIS
GEORGII
FRIDERICI

DE LEININGEN ET RIXINGEN DOMINI WE-
 STERBVRGI ET SCHAUMBVRGI DYNASTAE IN GRVN-
 STADT OBERBRVNN ET FORBACH SACRI ROMANI
 IMPERII SEMPER LIBERI CETERA

IVVENIS OMNI VIRTVTVM GLORIA

EMINENTISSIMI

IN ACADEMIAE TEMPLE

ANTE MERIDIEM

DIE XXV. NOVEMBRIS

DIGNERE COLENDAM

CIVES QVOSCVMQVE OFFICIOSE

INVITAT

FRIDERICIANAE PRORECTOR

CHRISTIANVS THOMASIVS ICTVS
 POTENTISSIMI BORVSSIAE REGIS ET SERENISSIMI
 SAXONIAE DVCCIS MAVRITII WILHELMI CONSILIARIVS
 COMPARATE INTIMVS IVRIVM PROFESSOR
 ORDINARIVS.

HALAE MAGDEBVRGICAE

LITTERIS CHRISTIANI HENCKELII ACAD. TYPOGR.

AA



Vm generosi animi sit, atque magnifici alta contueri, & fluxa, demissa, atque turpiter abiecta negligere; certum est, eum tantum nobilem atque splendidum dici debere, qui vitam beatam, florentem, atque felicem, omni genere mali vacantem, & omnibus opibus adfluentem sectatur. Hæc vero in inuictæ virtutis præstantia consistit; non in fumosis imaginibus; non in humanæ gloriæ leuitate; non in diuitiarum, quæ pereunt, inconstantia; non denique in mobili populi sæpe insipientis voluntate, atque opinione. Multo enim ampliora veræ felicitatis ornamenta sunt; quam vt angustis adeo, atque fallacibus, errorisque & inanitatis plenissimis rebus sint circumscribenda. Quod immortale est, quod diuinum, quod nulla vniquam vis potest eripere, nulla vetustas obliuione obruit, nulla calamitas exstinguit, illud vltimum, atque excellens, quod intueri omnes oportet, bonum absoluit. Quidquid in his alias possidemus terris vana quadam ostentatione mortalibus illudit, & occultam mortem quasi inducta veste contegit, eamque ob causam relinquendum, atque deserendum est. Mens, consilium, sapientia, virtus, & quod huius videtur præmium, vera quies, atque stabilis animi tranquillitas, etiam cum ab hominibus eximus, & in diuinam familiam traducimur, nobiscum magis confirmata, atque perfecta ad cœlitum sedes migrant, pectusque voluptate numquam intermoritura perfundunt,

ac expleat. Ea cum sibi vnice delegerit decora
Illustrissimus Comes GEORGIVS FRIDE-
RICVS de LEININGEN & RIXINGEN
Dominus Westerburgi, Schaumburgi, Dynasta
in Grunstadt, Oberbrunn & Forbach, Sacri
Romani Imperii SEMPER LIBER, Iuuenis hu-
manitate, modestia, patientia omniumque vir-
tutum gloria mirabiliter ornatus; quid mirum
si ILLE veræ dignitatis patrimonium, eminentemque laudis pulcritudinem, & honestatem ex
hac secum vita extulerit? Natus est nobilissima
stirpe dignissimus FILIVS anno c l o l o x c i i i. iplis
Non. Febr. Patre Illustrissimo, & in omnem
memoriam clarissimo IOANNE ANTONIO
COMITE IN LEININGEN, Inuictissimi Cæ-
saris Consiliario, supremo, quod nunc Wezlaræ
est, Imperii Tribunali eminentissima dignitate
Præsidente, viro in tantum laudando, quantum
iustitia, auctoritas, & incorrupta animi constan-
tia potest intelligi. Mater mœstissima CHR I-
STIANA LVDOVICA ex antiquissima mul-
tisque maiorum imaginibus præcellente WIT-
GENSTEINIORVM COMITVM gente
ortum traxit; vt nihil deesset natalium splendori,
ac germanæ nobilitatis præfulgentibus insigniis.
Ab his Parentibus nomen GEORGII FRIDERICI
propterea NOSTRO inditum est, vt tam paterni,
quam materni generis auorum vestigia legeret,
quorum singularis sapientia, atque probitas effe-
cit, vt incredibili apud omnes gloria circumfluxe-
rint. Tener adhuc, nec dum matura pueritia iis
artibus imbutus est; quibus generosæ, & illu-
stres

stres animæ ad veram laudis spem maxime exci-
tantur; iisque disciplinis animum accommoda-
uit, quibus virtutis igniculi, & non fucatae pie-
tatis femina luculenter eliciuntur. Facile enim
optimus perspexit PATER, nihil in magna for-
tuna perniciosius esse, quam prauam institutio-
nem; vtpote quæ inter inanissimas cogitationes,
fermonesque impurissimos mentem inflat, ac
eamdem omni iudicio spoliata in maxima re-
rum ignoratione, & miseranda cœcitate relin-
quit. At est dolendum, carissimam hanc PRO-
BLEM in imbecilli adhuc ætate tanto fuisse orba-
tam DVCTORE, cui, quod scimus, vnice cordi
fuit, vt ne ISTA aliorum exemplo, vlllo vitio-
rum æstu, vlloue mali confinio de recta via ab-
duceretur. Nouem etenim iam elapsi sunt an-
ni, cum post amissum PATREM sub dulcissimæ
MATRIS auspiciis illa sincera, & integra, ac
nullis prauitatibus detorta natura ad optimarum
rerum cultum amplius est traducta. HAEC per
totum pueritiæ tempus filium GEORGIVM
FRIDERICVM peritissimis præceptoribus sub-
didit; HAEC illum IOANNI MATTHIAE
FABRO addixit, quem doctissimi scholæ Giesse-
nsis Professores publica commendatione dignum
iudicauerunt, qui moribus tam generosi adole-
scentis regendis præponeretur. Dicit vix potest,
quanto ardore bonas litteras arripuerit, quanta-
que contentione meliores disciplinas exceperit.
Eadem inclyta Giesensis Academia testis est,
in qua clarissimis viris operam dedit; quam
modeste ibidem vixerit, quanto in pretio
man-

manfuetiores Mufas habuerit, quamque ipse,
omnem licentiam, ac libertatem viuendi fibi
adolefcentulus præfiderit. Neque enim non
magna conari, ac optima quæque meditari ani-
mus potuit, quem præclara FRIDERI-
CI ERNESTI Illustriffimi SOLMENSIS
COMITIS, itemque PATRVI Sapienriffimi
CHRISTOPHORI CHRISTIANI de
LEININGEN monita, ac propria, quam a Deo
accepit indoles ab omni intemperantiæ labe ab-
fraxerunt. Post annum, & ſex menſes ſumma
cum laude ibidem exactos, iudem prouidentiffi-
mi Tutores eum in Marpurgenſe Athenæum
ablegarunt, vt ad ſtudium menſuræ ingenium
ſatis acre applicaret, & vna cum numerorum
ſcientia illam celeberrimam, maximamque do-
ctrinæ partem, quæ eſt Matheſis, excoleret.
Adeo illis facile erat obſeruare, ingenium cœle-
ſte ipſam ætatem antecedere, nec longioris, at-
que ignauæ moræ patientem fore. Nam ſi præ-
cipuum ingenii ſignum eſt, facile quidquid tradi-
tur percipere, & fideliter cuſtodire, eaque, quæ
memoriæ mandantur, ſumta tabella conſignare;
NOSTER certe excellentiffimum habuiſſe dicendus
eſt, qui hæc omnia exacte obſeruauit, & fecit;
tantaque aſſiduitate atque ſtudio, quod reliquum
erat temporis, in ſuis lectionibus repetendis con-
ſumfit: vt natura impelli, ferrique eum ſentirent
omnes, qui occulta humanarum mentium ſeru-
tantur, & inueſtigant. Nihil itaque ad illud, quod
ſibi propoſuerat, curriculum emetiendum amplius
reſtabat, quam vt in noſtram FRIDERICIANAM dela-
tus,

tus, Professores toto terrarum orbe clarissimos salutaret, atque audiret. Hoc illustrissimi SOLMIAE COMITIS iudicium erat, qui in maximo Imperii Tribunali præcipuas iuris dicendi partes sustinet, & in Consiliariis intimis Augustissimi Cæsaris reputatur. Hæc LVDOVICI CHRISTIANI, quem STOLBERGENSIUM Comitum profapia multis titulis exornat, sapientissima sententia fuit. Cui is lubentissime morem gessit, eoque in addiscendis artibus ingenuis ordine processit, ut nec curas suas præcipitauerit nimis, nec, ut mos est multorum, in vastum Iurisprudentiæ mare sine velis se immiserit, sed elegantium litterarum pulcherrimam speciem atque formam adamauerit; sed Latinæ prius Græcæque linguæ notitiam sibi parauerit; sed gallicum, patriumque idioma bene imbiberit. Deinde, ut par est, ad eos demum magistros venit, qui regulam tradunt, qua vera & falsa iudicantur: qui noscendi animorum motus peritiam inculcant, ac de sapientia, iustitia, de vitæ, morumque ratione, de omni antiquitate ac historia præclare differunt. Quæ quidem singula si absoluisset, & ad optatum finem perduxisset beatissimus COMES, non dubitamus, quin is ad publica negotia gerenda se summe idoneum fuisset redditurus, qui in hac umbratili doctrinarum exercitatione, ingenii acumine, ac percipiendi celeritate, longe, multumque ceteris antecessit. Sed aliter visum est principi illi DEO, qui orbis omniumque mortalium fata iustissima ratione temperat. Incidit quippe florentissima ætate NOSTER in difficillimum, ac pertinacissimum morbum, qui pustulas in summa cute extuberantes,

tes, in ambitu rubras, pueris valde infestas, iuuenibus, atque viris etiam nobilissimis sæpe funestas eiecit, corporisque vires admodum concussit. Nihil equidem insignis, quem habemus, Medicus **GEORGIUS ERNESTVS STAHLIVS** Collega nostro coniunctissimus, omisit, quod ad malum tollendum & expugnandum visum est conducere. Quidquid opis sciuit, quidquid artis in ipso fuit, in tempore admouit, ac præstantissima medicamenta selegit. Sed elusit ægritudo artem, imbecilliorque medicina, quam morbus fuit; qui impetu ruentis sanguinis accedente **EVM** exstinxit, omnesque vitales vias **VIII. Idus Nouembreis** obstruxit. Tali morte expirauit fulgentissimæ nobilitatis iuuenis **GEORGIUS FRIDERICVS COMES de LEININGEN**, qui ad extremum vsque spiritum numquam lælæ, sed conseruatæ, itemque sanctissimæ innocentiaë laudem est adsecutus. Cum hoc doctrinæ quædam elegantia, verborum dulcis copia, vox, gestus, omnisque actionis lepor, & suauitas, ac elegantissima corporis forma in sepulcrum descendit: verum illa ingenii ornamenta, illa mentis venustas, illa vitæ æternæ, & immortalitatis fiducia, illæ amoris in Deum clarissimæ significationes, illa virtutis ac pietatis, quibus elixit insignia, ad has umbras neque pertinent, neque descendunt. Vivit animus, cui nimis angustum hoc domicilium, quod reliquit; fuit; viuit probitas, quæ multo plus gloriæ, atque decoris in Christiani nominis dignitate, quam domestico splendore posuit; perdurabit tranquillitas, quæ in maxima fortuna inter popularis auræ adfensionem, inter vitæ huius delicias, ac strepitus immota constitit; viget denique in ore fama quæ huius Academiaë excellæ **EIVSDEM** virtus, quæ quidquid homines fortunatum putant, spreuit, atque repudiavit. Vos pectora suavissima, vos, inquam, compello, **CIVES**, qui in hoc Musarum sacratio ad summa aspiratis, ite; comitemini funus; ego præibo: Vos mecum: ego vobiscum hodie in schoiæ nostræ templo memoriam animæ sanctissimæ recolam, quæ in illustri **ADOLESCENTIS** corpore habitauit, & omnia mortalium blandimenta integritate, atque religione suppressit. P. P. Halæ
Magdeburgicæ VII. Kal. Decembreis c1o Io ccviii.

78 M 352

TA → OL

kn7



AD MEMORIAM
ILLVSTRISSIMI MVLTISQVE MAIORVM
IMAGINIBVS PRAEVLGENTIS

COMITIS

GEORGGII

DERICI

ET RIXINGEN DOMINI WE-
LMBV RGI DYNASTAE IN GRVN-
N ET FORBACH SACRI ROMANI
EMPER LIBERI CETERA

NI VIRTVTVM GLORIA

INENTISSIMI

DEMIAE TEMPLO

TE MERIDIEM

XXV. NOVEMBRIS

NERECOLENDAM

OSCVMQVE OFFICIOSE

INVITAT

IANAЕ PRORECTOR

S THOMASIVS ICTVS

VSSIAE REGIS ET SERENISSIMI

VRITII WILHELMI CONSILIARIVS

NTIMVS IVRIVM PROFESSOR

ORDINARIVS.

MAGDEBVRGICAE

ANI HENCKELII ACAD. TYPOGR.

A1

